

## К ОПУБЛИКОВАНИЮ

### КОМИ РЕСПУБЛИКАЛӦН

### ОЛАНПАС

#### «Коми Республикаын

муниципальной юкӧнлӧн бӧрйӧм органса депутатлысь,

меставывса асвеськӧдлан бӧрйӧм органӧ пырысьлысь,

меставывса асвеськӧдлан бӧрйӧм чина мортлысь

уджмогъяс збыльмӧдан гарантияяс йылысь»

Коми Республикаса Оланпасӧ вежсьӧмъяс пыртӧм йылысь

Примитӧма Коми Республикаса

Каналан Сӧветӧн

2020 вося йирым тӧлысь 20 лунӧ

**1 статья.** Пыртны «Коми Республикаын муниципальной юкӧнлӧн бӧрйӧм органса депутатлысь, меставывса асвеськӧдлан бӧрйӧм органӧ пырысьлысь, меставывса асвеськӧдлан бӧрйӧм чина мортлысь уджмогъяс збыльмӧдан гарантияяс йылысь» Коми Республикаса Оланпасӧ (Коми Республикаса канму власьт органъяслӧн индӧд-тшӧктӧмъяс, 2010, 50 №, 1430 ст.; 2014, 13 №, 219 ст.; 2016, 10 №, 120 ст.; 18 №, 248 ст.; 2017, 4 №, 63 ст.; 2019, 15 №, 223 ст.) татшӧм вежсьӧмъяс:

1. 2 статьяса мӧд юкӧнын:

1) 7 пунктын «тӧдӧмлунъяс бурмӧдӧм вылӧ;» кывъяс вежны «тӧдӧмлунъяс бурмӧдӧм вылӧ.» кывъясӧн;

2) 8 пункт киритны.

2. Содтыны татшӧм сюрӧса 2<sup>1</sup> статья:

**«2<sup>1</sup> статья.** Муниципальной юкӧнлӧн бӧрйӧм органса депутатлы ассьыс абу пыр кадся уджмогъяссӧ збыльмӧдӧм вылӧ муниципальной юкӧнлӧн бӧрйӧм органса заседаниеын, муниципальной юкӧнлӧн бӧрйӧм органса комиссиялӧн (комитетлӧн) заседаниеын, кытчӧ сійӧ пырӧ,

муниципальной юкӧнлӧн бӧрйӧм органса мукӧд официальной мероприятиен сылысь участуйтӧмсӧ, бӧрйысысыяскӧд депутатлӧн аддзысьлӧмсӧ могмӧдӧм могысь гарантиуйтӧма видзны уджалан местасӧ (чинсӧ) кадколаст вылӧ, кутшӧмлӧн кузьтаыс урчитсьӧ муниципальной юкӧнлӧн уставӧн «Россия Федерацияын меставывса асвеськӧдлӧм котыртан ӧтувья принципьяс йылысь» Федеральной оланпаслӧн 40 статьяса 5 юкӧнӧн урчитӧм кадколастын.

Муниципальной юкӧнлӧн бӧрйӧм органын депутатлысь уджсӧ збыльмӧдан кад вылӧ шӧр уджысь либӧ службаысь депутатӧс мездан помкаӧн лӧӧ официальной уведомление, кутшӧмӧс кырымалӧма муниципальной юкӧнлӧн бӧрйӧм органӧн веськӧдлысь, сылӧн вежысь либӧ муниципальной юкӧнлӧн бӧрйӧм органса лӧсялана комиссияӧн (комитетӧн) веськӧдлысь либӧ юрнуӧдысь, тайӧ статьялӧн медводдза юкӧнын индӧм заседание либӧ мӧд мероприятие нуӧдан кадпас, кад да места индӧмӧн.».

**2 статья.** Тайӧ Оланпасыс вынсялӧ сийӧс официальной йӧзӧдӧм бӧрын дас лун кольӧм мысти.

Муниципальной юкӧнъяслысь уставьяссӧ колӧ лӧсьӧдны «Россия Федерацияын меставывса асвеськӧдлӧм котыртан ӧтувья принципьяс йылысь» Федеральной оланпаслӧн 40 статьяса 5 юкӧн, «Коми Республикаын муниципальной юкӧнлӧн бӧрйӧм органса депутатлысь, меставывса асвеськӧдлан бӧрйӧм органӧ пырысьлысь, меставывса асвеськӧдлан бӧрйӧм чина мортлысь уджмогыяс збыльмӧдан гарантияс йылысь» Коми Республикаса Оланпаслӧн 2 да 2<sup>1</sup> статьяс серти (тайӧ Оланпаслӧн редакцияын) тайӧ Оланпас вынсялан лунсянь куим тӧлысь чӧжӧн.

СЫКТЫВКАР

2020 вося йирым төлысь 29 лун

69-РЗ №